



KÖRFUKNATTLEIKSSAMBAND ÍSLANDS - ICELANDIC BASKETBALL ASSOCIATION

Íþróttamiðstöðin Laugardal · Engjavegi 6, 104 Reykjavík · kki@kki.is Sími: (+354) 514 - 4100 Fax: (+354) 514 - 4101 · www.kki.is

Vinnureglur mótanefndar KKÍ

Vinnureglur þessar skulu hafðar að leiðarljósi við starf mótanefndar. Reglurnar eru settar fram til að takast á við helstu verkefni nefndarinnar. Mótanefnd ber að starfa samkvæmt reglunum öllu jöfnu, þó er ljóst að almennar reglur sem þessar geta aldrei náð yfir öll verkefni mótanefndar.

þar sem vinnureglur annars vegar og reglugerð um körfuknattleiksmót og reglugerð um mótanefnd hins vegar skarast þá hafa ákvæði reglugerðar meira vægi.

Mótanefnd leggur ríka áherslu á að mótahaldið sé vel skipulagt og að regla sé á þeim breytingum sem kunna að vera gerðar á leikjaskrá sambandsins. Það leggur þá skyldu á hendur aðildarfélög KKÍ að skipuleggja starf sitt með hliðsjón af leikjaskrá hverju sinni, komi til þess að breyta þurfi niðurröðun leikja skal það gert með góðum fyrirvara í samræmi við ákvæði reglugerðar.

Samþykkt af mótanefnd KKÍ 11.05.2020

Staðfest af stjórn KKÍ 25.05.2020



Vinnureglur mótanefndar KKÍ vegna frestana leikja

Vinnureglur þessar skulu hafðar að leiðarljósi þegar kemur að því að fresta þarf leik/leikjum. Það er á verksviði mótanefndar að fresta leikjum. Félög sem fresta leikjum að eigin frumkvæði, hvort sem er í sameiningu eða með einhliða ákvörðun, þurfa að hlíta viðurlögum þeim er lýst er í reglugerð um körfuknattleiksmót.

Domino's og 1. deildir

Frestanir leikja í tveimur efstu deildum karla og kvenna fylgja eftirfarandi reglum og viðmiðum.

1. Frestun leiks er neyðarúrræði þar sem ljóst er að ekki verður hægt að leika skv. leikjaskrá KKÍ vegna utanaðkomandi ástæðna.
2. Frestun leiks vegna veðurs er aðeins gerð að fengnum ráðleggingum frá Vegagerðinni, Veðurstofu Íslands eða Lögreglunni.
3. Leikjum er almennt ekki frestað vegna veikinda, nema að beiðni yfirvalda.
4. Frestun leiks vegna veðurs er því aðeins framkvæmd ef ófært er á leikstað og engin önnur leið fær.
5. Að jafnaði er leik frestað á leikdag ef ljóst er að ekki verði fært sbr. lið 2.

Aðrar deildir og flokkar – deildarkeppni

Frestanir leikja í öðrum deildum og flokkum en leika í deildarkeppni (heima og að heiman) fylgja eftirfarandi reglum og viðmiðum.

1. Frestun leiks er neyðarúrræði þar sem ljóst er að ekki verður hægt að leika skv. leikjaskrá KKÍ vegna utanaðkomandi ástæðna.
2. Frestun leiks vegna veðurs er aðeins gerð að fengnum ráðleggingum frá Vegagerðinni, Veðurstofu Íslands eða Lögreglunni.
3. Leikjum er almennt ekki frestað vegna veikinda.
4. Frestun leiks vegna veðurs er því aðeins framkvæmd ef ófært er á leikstað og engin önnur leið fær.
5. Þyki vera yfirgnæfandi líkur á því, skv. lið 2, að ekki verði fært á leikstað á leikdag getur mótanefnd frestað leik degi áður.

Yngri flokkar – fjöllíðamót

Frestanir leikja/móta í yngri flokkum er leika í fjöllíðamótum fylgja eftirfarandi reglum og viðmiðum.

1. Frestun leiks/móts er neyðarúrræði þar sem ljóst er að ekki verður hægt að leika skv. leikjaskrá KKÍ vegna utanaðkomandi ástæðna.
2. Frestun leiks/móts vegna veðurs er aðeins gerð að fengnum ráðleggingum frá Vegagerðinni, Veðurstofu Íslands eða Lögreglunni.
3. Leikjum/mótum er almennt ekki frestað vegna veikinda.
4. Þegar ferðast þarf milli landshluta í mót skal almennt ferðast degi fyrir upphaf móts. Ef ófært er á ferðadegi skal ferðast á leikdegi.
5. Frestun leiks/móts vegna veðurs er því aðeins framkvæmd ef ófært er á leikstað og engin önnur leið fær.
6. Þyki vera yfirgnæfandi líkur á því, skv. lið 2, að ekki verði fært á leikstað á leikdag getur mótanefnd frestað leik/móti degi áður.



Niðurröðun leikja í Domino's deildum karla og kvenna

Mótanefnd leggur ríka áherslu á að umferðir Domino's deilda haldist saman, þar sem keppni í Domino's deildum er flaggskip keppnisdagatala KKÍ.

1. Félög skulu hafa einn tengilið við mótanefnd KKÍ fyrir félagið vegna leikja og mótahalds.
2. Leikjum skal raðað niður á leikdaga samkvæmt keppnisdagatali. Fyrstu drög keppnisdagatala skulu liggja fyrir eigi síðar en 25. maí ár hvert fyrir komandi keppnistímabil.
3. Félög sem skrá sig til leiks í Domino's deild gera sér grein fyrir því að leikir skuli að jafnaði fara fram samkvæmt keppnisdagatali KKÍ.
4. Leikir í Domino's deild skulu alla jafna ekki færðir til nema vegna beinna sjónvarpsútsendinga eða veðurs.
5. Félög í Domino's deild geta óskað eftir því að heimaleikir fari fram degi fyrir eða degi eftir áætlaðan leikdag samkvæmt keppnisdagatali. Fyrir því skulu liggja málefnalegar ástæður, sem félagi er skylt að láta mótanefnd í té. Mótanefnd getur hafnað færslu leikja ef hún telur tilefni til.
6. Beiðnir félaga í Domino's deild um færslu leikja út fyrir leikdaga samkvæmt keppnisdagatali og samkvæmt 4. lið er alla jafna hafnað.
7. Að öðru leyti er vísað í reglugerð um mótanefnd.



Æfingaleikir

Sameiginlegar reglur mótanefndar og dómaranefndar

Vinnureglur þessar eru hafðar að leiðarljósi þegar kemur að því að svara félögum sem óska eftir dómurum á æfingaleiki, óháð því í hvaða aldursflokk um ræðir.

Nefndirnar leggja mikla áherslu á að skipulag vegna allra leikja og við niðurröðun dómara sé unnið með góðum fyrirvara.

1. Félag skulu hafa einn tengilið við mótanefnd KKÍ fyrir félagið vegna leikja og mótahalds.
2. Beiðnir vegna dómara á æfingaleiki skulu berast með minnst fjögurra daga fyrirvara.
3. Beiðni um dómara á æfingaleiki fylgir skráning í mótakerfi KKÍ. Um þá æfingaleiki gilda sömu reglur og aðra leiki í Íslandsmótum og bikarkeppnum varðandi skil á úrslitum. Um þá leiki gilda öll sektarákvæði reglugerða.
4. Dómaranefnd útvegar ekki dómara á leiki nema að undanfarin skilyrði séu uppfyllt.
5. Að öðru leyti er vísað í reglugerð um körfuknattleiksmót, reglugerð um mótanefnd og reglugerð um dómaranefnd.



Íslandsmót yngri flokka

Mótanefnd leggur ríka áherslu á að Íslandsmót yngri flokka fari vel fram og séu leikin samkvæmt ákvæðum reglugerðar um körfuknattleiksmót. Vinnureglurnar eru settar fram til þess að taka á atvikum sem ekki eru sérstaklega nefnd í reglugerð, sem og til að skýra ákveðin atriði frekar.

10. flokkur og eldri

Vinnureglur þessar eru hafðar að leiðarljósi þegar kemur að niðurröðun Íslandsmóts yngri flokka, 10., drengja-, stúlkna- og unglíngaflokks, þar sem keppt er í deildarfyrirkomulagi.

Íslandsmót 10., drengja-, stúlkna- og unglíngaflokks er leikið í deildarfyrirkomulagi, þar sem leikið er heima og heiman. Leikjafjöldi í umræddum flokkum er fastur, óháð fjölda þátttökuliða. Til að mótið gangi vel þarf að hafa eftirfarandi atriði í huga.

1. Félög skulu hafa einn tengilið við mótanefnd KKÍ fyrir félagið vegna leikja og mótahalds.
2. Mótum skal raðað niður á leikdaga samkvæmt keppnisdagatali yngri flokka. Fyrstu drög að keppnisdagatali yngri flokka skulu liggja fyrir eigi síðar en 25. maí ár hvert fyrir komandi keppnistímabil á eftir.
3. Félög sem skrá lið til leiks í umræddum flokkum gera sér grein fyrir því að skipuleggja þarf heimaleiki í samræmi við leikjafjölda hvers flokks.
4. Mót eru skipulögð í samræmi við 27. grein reglugerðar um körfuknattleiksmót.
5. Mótastjóra er uppálagt að ganga á eftir því að úrslitum sé skilað í samræmi við reglur þar að lútandi, svo staða móts sé rétt og uppfærð á heimasíðu KKÍ.
6. Leikjum er að jafnaði ekki frestað nema vegna veðurs og þá af mótastjóra KKÍ á leikdag.
7. Að öðru leyti er vísað í reglugerð um körfuknattleiksmót og reglugerð um mótanefnd.

7.-9. flokkur

Íslandsmót 7.-9. flokks er leikið í fjölliðamótsfyrirkomulagi, þar sem mörg lið koma saman á sama stað, eina helgi til að leika eina umferð. Til að mótið gangi vel þarf að hafa eftirfarandi atriði í huga.

1. Félög skulu hafa einn tengilið við mótanefnd KKÍ fyrir félagið vegna leikja og mótahalds.
2. Mótum skal raðað niður á leikdaga samkvæmt keppnisdagatali yngri flokka. Fyrstu drög að keppnisdagatali yngri flokka skulu liggja fyrir eigi síðar en 25. maí ár hvert fyrir komandi keppnistímabil á eftir.
3. Félög sem skrá lið til leiks í 7.-9. flokki gera sér grein fyrir því að fyrir hvert lið sem skráð er til keppni þarf að halda eitt fjölliðamót.
4. Mót eru skipulögð samkvæmt 27. grein reglugerðar um körfuknattleiksmót.
5. Mótanefnd reynir eftir fremsta megni að gefa út niðurröðun fjölliðamóts þremur vikum fyrir fyrsta leik móts.
6. Mótastjóra er uppálagt að ganga á eftir því að úrslitum sé skilað í samræmi við reglur þar að lútandi, svo hægt sé að byrja niðurröðun næstu móta við fyrsta tækifæri.
7. Fjölliðamót skulu fara fram samkvæmt reglum og reglugerð. Fjölliðamótum er alla jafna ekki frestað nema vegna veðurs. Það er gert degi fyrir fyrsta leik móts þegar svo ber við.
8. Að öðru leyti er vísað í reglugerð um körfuknattleiksmót og reglugerð um mótanefnd.

Minnibolti

Vinnureglur þessar eru hafðar að leiðarljósi þegar kemur að niðurröðun Íslandsmóts í minnibolta 10 og 11 ára.



Mótanefnd leggur ríka áherslu á að Íslandsmót í minnibolta fari vel fram. Mikilvægt er að gæta þess að mótin verði ekki of stór án þess að hamla liðum sem skipuð eru leikmönnum á réttum aldri þátttöku. Vinnureglurnar eru settar fram til þess að taka á atvikum sem ekki eru sérstaklega nefnd í reglugerð.

1. Félög skulu hafa einn tengilið við mótanefnd KKÍ fyrir félagið vegna leikja og mótahalds.
2. Íslandsmót í minnibolta er fyrst og síðast fyrir þann árgang sem keppt í er hverju sinni. Ekki er gert ráð fyrir að lið skipuð að meirihluta leikmönnum sem eru yngri en umræddur árgangur taki þátt í mótum.
3. Lið skulu að meirihluta skipuð leikmönnum á réttum aldri.
4. Félög sem hyggjast nýta yngri leikmenn þurfa að sækja um undanþágu til mótanefndar áður en skráningarfrestur viðkomandi móts rennur út.
5. Að öðru leyti er vísað í reglugerð um körfuknattleiksmót og reglugerð um mótanefnd.